

Sigle: T

Aufbewahrungsort: Slezske / Troppau

Signatur: Cod. RA-6

[121r,12] Daz pvehel ift von vnfers
herren mart^z. wie fand Anf(=
helm vnfer vrawen vrait
wi er gemartert waer. vnd
wi im vnfer vrawe des
a[nt]wurte

[121v,01] SAnd anfhalm der pat vn(=
fer vrawen von himelrich
langev zeit mit grozzer gier
mit vaften vnd mit andechti(=
gem gepet vnd haizzen zehern
daz fi im chvnt#taet ir aingeporen
chindes mart^z wi iz von dem a(=
negeng ergieng vntz an daz en(=
de vnd do er d^z lange het gepete
da erfchain im vnfer vraw <t>o
ainem mal vnd fprach czv im
Anfhalm Mein liebez chint als
manichvaltich vnd als grozzer
marter erliten hat. daz iz nie(=
men voellichleich gefagen chan
di ovgen mvezzen iz mit manigen
zaehern des hertzen intherchait
erwenten. Wand ich a<v>^z fo groez(=
lich erhoehet pin mit meinem
cinde vber allez himelifchez her
[122r,01] vnd vber all di creatur di got
ie beschvef fo en|mag ich noch
en|fchol nicht mere wainen. vñ
dar#nach als dv mich vrageft
dar#nach fag ich dir wie ez er(=
gie Sand anfhalm was vō

hertzen vro vnd sprach Sag
mir liebev vrawe wi was der
anevanch der mart^v deines lie(=)
ben chindes. Vnfer vrawe spr^ach
DO mein chint het geezzen
mit feinen iügern· vor feiner
marter daz iungift mal <vnd>
daz fi von dem tifche avf#ftven(=)
den do giench iudas fcarioth
zv den fvrtten der iuden· vnd
chom eines gedinges mit in v(=)
ber#ain / fo wolt er mein chint
v^rraten· Di iuden waren des
gedinges vro vnd gaben im
[122v,01]dreizzich pfennig Do sprach fand
anfalm. Sag mir liebev vraw
wlher#hand pfennig was daz.
Vnfer vrawe sprach. Si waren
yfmahelite gehaizzen· vnd wil dir
fagen war#vmb di waren als
gehaizzen· vnd wil dir fagen
war^vmb fi waren alfo gehaiz(=)
zen· do iosepen fein prved^v v^vchavf(=)
ten vm dreizzich pfennig. do
chavften in ainer#hand lev^t di
haizzen ysmahelite. do#von di
pfennig den namen habent vnd
di iuden den di phenni^g wurden
cze tail· di behielten fev fur ein
erbefchaft· vnd liezzen czv einem
igleichen geflaecht fein nach#cho(=)
wol vber vier#tavfent iar.
wand fi waren tewr vnd chost=
paer vnd di iuden waren da||tz
[123r,01]ierufalem di daz gvet heten von
der erbefchaft di waren meinē

chint alfo veint· fwie lang fev
daz guet heten gehabt vñ fwi
lieb iz in was· fo gaben fi ivdas
di#selben phenni⁵· wand er was
alfo geitich do er die phennige an(=)
fach do gevieln fi im als wol daz
er mein chint dar#vmb gab
Sand anfhalm sprach· fag mir
vrauwe waer dv da pei deinem lie(=)
ben chind vnf^r vrawe spr^hch Nain
ich anfhalm· wizz da mein chint
het gezzen mit feinen iungern
vnd in di fvezz het gewafchen
vnd in feinen heiligen leichnam
het ge#geben vnd in fvezze pre(=)
digt vnd iudas von in was ge(=)
gangen zv den iuden· do gieng
mein chint mit feinen iugern
[123v,01]ab dem perg fyon auz der ftat zv
der ftat auz. daz do haizzet das gvl(=)
dein tor· zv einem prvnne der h<ie>z
fyloe pey dem was ein gart do
er e dikche in#gegangen was
mit feinen iungern· vnd vnd^r
den perch oliueti hiez er fein iug^r
paiten vnd gie von in|auf den
perch oliueti· wol fo verre als
man einen ftain mit einer hant
gewerfen mag· vnd viel nider
auf feinev chnie vnd anpettacht
feinen vat^r von himelreich. vñ
sprach den pfalm. Exaudi me
dne quoniam benigna e mia
tua sedom multitudiem mis(=)
ratonū tuaꝝ respice i me. Daz
sprichet· herr erhoer mich wand

dv pift genaden rich vñ got ge(=)
dench an mich nach der menig
[124r,01]deiner parmherczichait. Ne auer(=)
tas faciem tuam a me. quoniã
t'bl'or velocit' exaudi me. Herr
cher dein anlutz nicht von dei(=)
nem chinde wand ich bin in groz(=)
zen fârgen da#von hilf mir palde
Sand anfhalm fprach. Sag
mir liebev vrawe. war#vmme
pat er do. Vnfer vraw' fprach
Daz tet er vm dreyer#hand
fâche. Di erst fach ift. daz er
czarter natur was. vnd ich in
gar zartleich gezogen het vñ
daz er einer magde chint was·
vnd von chvnichlichem geflaech(=)
te geporn was. da#von tet im fein
mart' vil deft wierfer. Di and'
fach was. daz in fein grozz trav(=)
richait vnd vorcht het bed<w>g(=)
en. daz im der pluetig fwaiz auz
[124v,01]allen feinen geliden dranch daz
er auf di erd vloez. vnd wand
er der war got was der ellev d[[inc]]
vor#west do west er auc all fein
mart' vor. wi fein gefpottet fcholt
werden· vnd an#gefpeit· gestozen
vnd geflagen· vnd wi im mit
valfcheren fcholt werden v' tailt
vnd laefterlich fcholt fterben an
dem chrevtz. vnd daz er von ig(=)
leicher mart' smertzen vnd pitt'(=)
chait fcholt leiden. vnd wand er
daz wol west allez vor da#von
pat er wand wie ein diep waiz

daz er fterben mvez. fo im wiert
v̇tailet. fo enphint er doch nicht
def fmerczen e daz man in hach
an daz fail. do enpfant mein
liebez chint des fmerczen alles
vor der mart^z di er leiden wolt
[125r,01]die dritte fache was. daz er wefte
daz die iuden dehain barmhertzi(=)
chait vber in möchten gewinnen.
vnd do er feinen vater pat ob iz
möcht fein daz er in der marter
vber#hueb. vnd dich feinen willen
nicht an#fehe. nuer er ervollet
feinen veterleichen willen. Do
fant im fein vater von himel
einen engel der in tröfte. vnde
sprach tzv im. Wis vefte vnde
ftarch. wand dv lēfen fcholt al(=)
lez menschleich gefleht. Dar(=)
nach ftvend er auf vnd giench
tzv feinen iungern. do waren fi
entflaffen vor rechtem laid vnd
von vberiger travrichait. Do
sprach er tzv in. Mocht ier ein
ftvnde nicht gewachen mit mir
fecht ier nicht er nahent vil
palt her#tzve. d^z mich hin wil
[125v,01]geben. vnd tzehant cham iudas mit
einer grozzen fchar. Do er nahē hin(=)
tzve chom. do sprach er tzv den iu(=)
den. Jer tzwen find gar geleich an(=)
ein#ander Jefus vnd Jacobus fei(=)
ner mvemen fvn. den man haizzet
feinen prueder. vnd mag man ai(=)
nen von dem andern chovm er(=)
chennen. Do#von wil ich ev ein

tzaichen geben. Wen ich chvffe d'
ift iz. den habt vafte vnd fueret
in gewerleich. Vnd do er do na(=
hen begvnde. do giench mein chin
gegen in vnd fprach. Wen fvecht
ier. Si fprachen. Jhm nazarenū
Do fprach mein chint. Jch pin||z
Do vieln fi alle hinder fich auf
daz erdreich. Do fprach er aber
Seind ir mich fvecht. fo lat
die gen die mit mier find. Daz
[126r,01]die fchrift erfvlte wert. Quos
dedifti michi non pdidi ex eis
quēqm. Daz fpricht. Die dv mir
haft ge#geben. der han ich dehai(=
nen verlorn. Vnd do er daz ge(=
fprach. do giench iudas tzv mei(=
nem chint vnd chvft in. Do
fprach mein chint tzv im. Wild
dv des menfchen chint in den
tode geben mit dem chvffen.
do tzoch fand peter fein fwert
uvz. vnd flveg des oberiftē chnech
daz recht or ab. Do fprach fand
anhelm. Sag mier lieve vrow
gefchach dehai tzaichen an fei(=
ner vanchnuffe. Vnfer vrowe
fprach. Mein chint pot fein hant
dar vnd rvert fein or. vnd macht
iz tzevant|gefvt. vnd fprach
tzve fand peter. peter ftoz dein
[126v,01]fwert in die fchaid. wan alle die mit
dem fwert lebent. die ver#derbent
mit dem fwert. Oder wenft||v nicht
daz ich meinen vater möcht erp<ie>(=
ten daz er mier fand tzwelif engel(=)

fchar. vnd tzeant flvchen die ivn(=)
ger von im. Sand anhelm fpr̃ch
Sag mir raine vr̃e wer dv ovch
bei im. Vnfer vrowe fprach. Nein
ich. Sand anhelm fprach. War(=)
vmb liezz dv daz. Vnd er dier doch
fo hertzen#liew was. Vnfer vrowe
fprach. Iz was nacht vnd was iz
nicht pilleich. daz iunge frowen
an der ftraze giengen. Sand
anhalm fprach. Nv sag mir
tzartev vrowe wo werd dv do.
Vnfer vrowe fprach. Jch was
in meiner fwefter havs. Joh̃s
mvtter. meines chindes mve(=)
men fvn. Sand anhalm fpr̃ch
[127r,01]Wer was des pot der dier die m⁴
fagt. wie iz vmb dein chint er(=)
gangen wer. Vnfe vrowe fprach
Do chomen die ivnger alle mit
grozzem gefchrai vnd vmb#mez(=)
lichem laide. vnd fprachen tzv
mir. Owe liewev mueter vnde
vrowe. dein hertzen#liebez chint
vnd dein aingeborns vnfer lie(=)
wer maifter der ift gevangen
vnd ift van vnf gefueret ge(=)
pvnten. vnd wizzen nicht wo
er hin⁴ gefveret ift. oder ob er
erflagen ift. Nv fage mir liewe
vrowe wie was do dein vnge(=)
mach. vnd deines hertzen not
Vnfer vrowe fprach. Swie wol
ich wette. daz menfchen natvr
mit im fcholt erlôft werden.
doch von mveteleichen natvr

[127v,01]vnd lieb. do giench fymeonis fwert
dvrch mein hertz. als er mier het
gefait. do er mein chint erplich
in dem tempel. Do sprach fande
anfhelm. tzartev frowe wo wart
dein chint hin#gefvert. Vnfer
vrowe die sprach. auz dem gart(=
en do er inne gevangen wart
dvrch ein tal daz haizzet Jofa(=
phat tze Jerusalem in. dvrch daz
gyldein tor. do er dvrch auz was
gegangen in einen palaft. der
ftvent pei des fverften haus. der
do hiez annas. do entzvnten fi
ein fiwer. Do chomen di alten
vnd di fchreiber. vnd di phary(=
fei. vnd befamten fich alle in
den palaft. Do fragt der fuerft
annas vil von feinen iungern.
vnd von feiner lere. Do antwrt
mein chint vnd sprach. Jch han
[128r,01]offenlechn der welt ge#predigt
in der Synagoga. vnd geleret
alle tzeit in dem Tempel. do die
iuden alle tze#famme#choment.
vnd han nicht v'porigenleich ge(=
lert. wes vragft dv mich. vrag
fev die iz gehort haben. die wiz(=
zen wol waz ich han gefaget
in. do mein chint daz het ge(=
redet mit dem fvrften annas.
do flveg in ein vngevtig man
des fvrften an fein wange
vnbarmh'tzichleich vnd sprach
dv fcholt dem pifcholf paz
antwuerten. Do sprach mein

chint gar fenfeleichn. tzv dem
der in geflagen het. han ich
wol geret war#vmb flecht||v
mich denn. han ich aber vbel
geret daz betzevg. Do namen
fi in vnd verpuntem im die
[128v,01]ovgen. daz man doch tuet dehinē
dieb. e. daz im ge#^çrtailt wert.
vnd fpotten fein alle die nacht.
vnd fpeitten im vnder fein antltz
vnd giengen hinder in vnd flue(=)
gen in auf feinen hals. vnd fpr^hch(=)
en. Weiffag vns wer dich gefla(=)
gen hab. Nv was Johannes tzv
meinem chint in das haus ge(=)
gangen. wan der herre annas
erchant in wol. vnd Johannes
nam petrū vnd fvert in auch
in daz haus. vnd do petrus tzv
der tvr in#gie. do sprach ein
iunchfrowe die huett der tuer
tzv im. dv pift auch des menf(=)
chen iunger. Do lavgent petr^vs
dreiftynt. vnd fwert daz er in
nicht erchant. noch in nicht
hiet gefehen. tzechant do chret
der han. Do fach mein chint
[129r,01]petrum gar trurichleichen an.
do gedachte petrus an daz wort
daz er im vor het gefait. E daz
der han tzwier gechre. fo haft||v
mein dreiftvnt verlaugent. vnd
giench auz vnd waint gar pit(=)
terleich. Do sprach fand anfhalm.
Liewe frowe wo wer dv do
daz allez gefchach. Vnfer frowe

fprach. do mier die ivnger fagt(=)
en. daz er gevangen wer. do tzeit(=)
ternt alle mein gelider. vnde
giench avz pald. vnd Maria
magdalena mit mier. vnd gien(=)
gen tzv dem tempel. der do#pei
ftvent nahen. bei des fuerften
annas havs. do hort ich inne
ein michel geprecht. do wer
ich gern in#gegangen. daz
ich hiet gefehen. wie iz mei(=)
nem chint wer ergangen.

[129v,01]do wolt mier fein nieman gvnnen

do gewan mein hertz lavtterl<eichez>

laide vnd waint van hertzē <vñ>

fprach. awe hertzen#liewez chint

ein fpiegel meiner ovgen. <w̄> ge<it>

meinem havpt wazzet. vnd mei(=)

nen ovgen prvnne der tzeher.

daz ich bewain vnd chlagē mug

daz mort daz man an meinem

chint beget. do giench Maria

magdalena allez vmb daz havs

ob fi indert fvnd ein venfterlein

daz fi gefehen möcht mein chin̄

in feinen nōten. die hort pe(=)

tern meines chindes dreiftvnt

verlaugen. do wolt ier hertze

verfwunden fein var iamer

daz fi den fuerften der iunger

aller fein verlaugen hort.

vnd fprach mit einer iem̄ch(=)

leichen ftimme. Jefus welichn

[130r,01]ende fchol dein pitterleich not

heint nemen. oder wie fchol iz

dier ergan. feint dein ver#lau(=)

gent hat der ain fverft vnder
allen deinen ivngern. vnd doch
dein frvnt was. herre iefv ich
wil dein nimmer ver#laugen.
Ich ftvend auch vnd hort allen
den fpot. vnd alle die fleg. vnd
die ftôzz die man im gab. vnd
daz petrus fein dreiftvnt v^llau(=)
gent. do fach in mein chint in
allen feinen nōten an. do ge(=)
dacht petrus an daz wort. daz
er im fait. e. daz der han tzwier
gechre. fo haft||v mein dreiftvnd
ver#laugent. do giench er auz
dem havs vnd waint pitter(=)
leich. do vand er vns ften vor
dem haus. do fprach ich tzv
im. mit grozzem iamer. Owe
[130v,01]peter waz tuet man meinem chint
alle die nacht. oder wo ift er. do
fchrai peter mit einer iem^lchleich(=)
en ftimme vnd mit pittern tzehⁿ
vnd fprach tzu mier. Awe liewe
frowe vnd mueter rainev. do
flecht man dein chint- vnd ftēz(=)
zet in an alle barmh^ltzichait.
vnd beginnent aller#der#hant
fpot mit im. fo fi in erdenchen
mugen. vnd ift fein anlutze
fo lefterleich ge#fpiertzelt. daz
man iz chavm erchennē mag.
ob iz eines menfchen antlvitze
ift. do er mier daz gefait. do
floch er vnd ver#parg fich in
einen holen ftain. der haizzet
gallicantus. vnd chom nie

her#avz vntz daz mein chint
an dem chrevtz er#ftarb. do
sprach fand anhelm. Sag
[131r,01]mir rainev magt wie was dir
do an dem hertzen. do dv daz al(=)
lez hortest. Vnfer frowe sprach.
do giench Symeonis fwert tzv
dem andern mal dvrch mein
hertze. Sand anhelm sprach.
wie ergiench iz dar#nach. vnfer
frowe sprach. do iz tag wart
do fverten fi in avz dem havs
vnd fverten in hin||tz cayphā.
do fach ich mein chint. vnd do
man mein chint gefangen furt
do lef ich dar recht als ein weip
der ier chint genomen ift. vnd
do fein minnechleichez antlvte
fo gar gevneint was. do ge(=)
habt ich mich fo iemerchleich
vnd sprach tzv im. Awe dv lie(=)
bez vnd ain#gebornez chint. wie
iemerchleich dein antlvte ift
gefalt. des sich mein hertze
[131v,01]diche hat gefrevt. fwenn ich iz an(=)
fach. vnd levf palt vnd viel dar.
vnd wolt mein chint haben vmb(=)
vagen. do wolt mier fein niemā
gynnen. vnd ftiez mich ainer hin
der ander her. vnd wart mit be(=)
fen warten vnd mit ftōzzen ver(=)
triben. do wart der tzve#lauf
von den leuten fo groz. recht als
man dieben oder mordern ver(=)
tailen wolt. vnd do er fuer ge(=)
richt chom. do ftvend er sam ein

vnfchuldigez lempelein. daz feinen
mvnt nicht auf#tuet. fo man iz
tötten wil. vnd waz fein antltz
fo lefterleich gefpiertzelt. nuer fam
iz wer eines auzfetzigen anlutze.
dar#nach fvnden fi avf in fal(=)
fche getzevg. die fprachen er w^z
ein tze#ftörer der tzehen gepot.
vnd hiet die lev^t ver#chert mit
[132r,01]feiner falschen lere. do chomen
aver tzwen falsch getzevg. vnd
fprachen wier haben gehört daz
er fprach. Ich wil den tempel nid^t(=)
prechen. vnd wil in hin wider in
drin tagen machen. da fprach
er von dem tempel feines leibes.
do wanten fi er fprach iz von dem
tempel den her Salomon gemacht
het. do fprach der pischolf Cay(=)
phas. Sag vns ob dv feift des
waren gotes fvn. do antwuert
im mein chint vnd fprach. Sag
ich ev iz fo gelaubt ier mier fein
nicht. vrag ich ev fo antwuert
ir mier nicht. doch fag ich
ev werleich. Ier wert des menf(=)
chen chint fehen fitzen tzv der
tzevem feiner götleichen chraft
vnd chömen her wider in dem
wolchen. des himels. do ftvent
[132v,01]der pischolf avf vnd tzart fein gewät
vnd fprach tz||wc bedverf wier mer
tzeug. er hat doch felben ver#iehen
wes tvncht evch. do fchrieren fi
alle mit#ein#ander. vnd fprachen.
Er ift des todes fchvldig. vnd do

ich die v̄rtail hort. do giensch tzv
dem dritten mal. Symeonis fw̄t
dvrch mein hertze. Sand anhelm
sprach. ach rainev frowe wie er(=)
giensch iz im dar#nach. vnfer fro(=)
we sprach. do fverten fi in ge(=)
bvnten hin||tz dem richter pylatū
vnd chom daz volch allez. do
schriren arm vnd reich alle ge(=)
main. Tolle tolle crucifyfige eum.
Nim hin. nim hin. chrvtn
chrvtzen. vnd hvben im avf.
daz er het gesprochen. Er wer
gotef fvn. vnd hiet verpoten.
daz man dem chaifer dehainē
[133r,01]cins geben scholt. do begynt
pylatus vragen von feinem
chvnich#reich vnd sprach- pist||v
der ivden chvnich. Do sprach
mein chint. Sprichst||v iz von
dier felben. oder hat dier daz
ieman von mier gefait. do
sprach pylatus. pin ich danne
ein ivde. dein geflecht vnd
dein ebentiwer habent dich mir
ge#geben. waz hast||v getan. do
sprach mein chint. mein reich
ift nicht von dierr welt. wer
mein reich von dierr welt
mein ampt#levt hvlfen mier. daz
ich den iuden icht wuert tze
tail. Do sprach pylatus. So pist||v
doch ein chvnich. do spr̄ch mein
chvnich. dv sprichst iz. want
ich pin ein chvnich. vnd bin
geborn vnd chōmen auf daz

[133v,01]erdreich. daz ich fei ein getzevg der
warhait. wan fwer von der war(=
hait ift. der hõrt mein ftimme.
do fprach pylatus. waz ift die
warhait. do fwaig mein chint.
vnd wolt der vrag nicht ant(=
wuerten. wan hiet er im geant(=
wuert fo hiet er fich leicht von
den tod geledigt. vnd wer menf(=
chleich chvne nicht erlõft. vnd
do iudas hort daz mein chint
verdampft was. do geraw in d'
chauf. vnd giench hin tzv den
fverften. vnd gab in die phen(=
ning vnd fprach tzv in. Ich han
gefvnt daz ich daz recht plvet
han hin#gegeben. do fprachen
die iuden. waz get vns daz an.
daz gebuezzest||v wol. do giench
er hin vnd warf die dreizzich
phenning nider. vnd gie hin
[134r,01]vnd hie fich felben. vnd di ditze
gefchach. do giench pylatus tzv
den fverften. vnd tzv den prieft'n
vnd tzv der gemain. vnd fprach
Ich han dehain fach an difem
menfchen fvnden. do#mit er den
tot verdient hab. die iuden
fprachen. Er hat die levte ver(=
chert mit feiner lere. von Ga(=
lylea do vie er an. vntze her.
vnd do pylatus hort daz er
wer von Galylea. do herodes
chvnich was. do fant er mein
chint tzv herodes daz er in ge(=
fach wan er in der ftat was

tze Ierufalem. vnd hort auch
fagen daz er lang begert mein
chint sehen. vnd wolt sich avch
ver#fvenen mit herodi. want
fi lang veint an#ein#and^r wa(=)
ren gewesen. vnd do herodes
[134v,01]mein chint erfach. do was er gar vro.
wan er begert von hertzen. daz er
ettleich tzaichen von im fech. do
vragt er in vil diche ob er daz
chint wer. daz fein vater gerne
erflagen hiet. vnd von feinē schvl(=)
den fo vil chinder töttet do er in
fvecht. vnd ovch ob er der wer d^r
lazar lentig macht. vnd ovch der
frowen fvn in der ftat naym.
vnd plintten macht gefehē. vnd
maniger#hant vrag. do wolt im
mein chint nie ein wart mit#ge(=)
tailen. do gelobt in aber herodes
ob er ein tzaichen vor im tet fo
wolt er in löfen on den ivden.
Mein chint Ihs wolt im allez
nicht antwürten. do hiez im he(=)
rodes ein edel chron auf#fetzen
vnd sprach. daz er ein tzaichen
vor im tet. fo wolt er im geben
[135r,01]fein chvnich#reich halbez. Mein
chint sprach allez nicht. do ftven(=)
den di iuden avf vnd fagten vil
dinges auf in. do#mit fi im vnge(=)
limphten machten. vnd do hero(=)
des fach daz mein chint dehain
tzaichen vor im tven wolt. do
v^rfmecht er in vnd allez fein her
mit im. vnd hiez im ein weizze

gewant an#legen. vnd fant in
wider pylato. also wart des ta(=
ges herodes vnd pylat⁹ tze frevñ
vnd wan pylatus weft di groz(=
zen veintfchaft die di ivden
heten gegen meinem chint. do
fant er fein gewaften levt mit
mit im tzv herodes vnd her wider.
daz fi fein hvetten daz in die
ivden icht tötten vnd^t#wegen.
vnd do mein chint chom fver
pylatum. do sprach pylatus
[135v,01]tzv in vnd rvefft dev iuden allez
tzefamme vnd sprach tzv im. Ier
habt mier den menfchen tzve(=
pracht tzv einem vercherer des
volches. nv vind ich dehain fach
an im. do#mit er den tot v^tdienet
hab. in alle der chlag do#mit ier
in fchvldigt. noch der chvnich he(=
rodes vindet avch dehain fache
an im. Ich wil in tzvchigen vnd
wil in danne lazzen. do fchrier(=
en die iuden alle vafte. daz er
in barraban geb. der was ein
fchacher vnd was gevangen
vmb manflacht. vnd mein chint
hiezzen fi chrevtzen. Do sprach
pylatus tzv dem dritten mal. Ich
vind dehain fchvlde an im. Ich
wil in hertichleichen flahē vnd
wil in danne lazzen. do fchrier(=
en die ivden alle. chrevtz in.
[136r,01]chrevtz in. vnd do pylatus an dē
gericht faz. do fant fain haufrowe
tzv im an daz gericht. vnd fpr³ch

dv haft nicht tze schaffen mit
difeu rechten menschen. Ich han
heint in der nacht vil von im
erliten in dem flaffe. Nv gedaht
pylatus vil. wie er der ivden
vraidichait gestillen möchte. vnd
hiez meinem chinde fain gewant
ab#tziehen. vnd hiez in flahen
alto fere daz von der schaitel
vntz auf die fvezze nicht gantz(=
es an im was. Nv was di fevl
als groz do er an#gebvntē was
daz im wol vmb eine spanne
gebraft. daz er fei nicht mocht
vmb#greiffen. do namen fi
ftarch riemen vnd pvnten im
die hent fein. vnd tzvgen im
die arme tzefamme vnd tzer(=
[136v,01]fluegen im fo fere. daz im in einer
clain ftvnt. daz plvet feinē tzartē
leip vber#goz. daz er recht was
alz er ein rates feiden#tuech hiet
an#geleit. vnd der anplich fein(=
es leibes. was nicht anders nver
fam der einen geviltten menschen
an#fech. dar#nach en|bant in py(=
latus der richter von der fevlen
vnd leit im ein tvech an. vō ede(=
lem pverper. do flachten im die
ritter ein chron vnd fatzten
im die avf. vnd chnieten fver
in vnd sprachen. Wis gegruetzt
ein chvnich der ivden. vnd flve(=
gen im an fein wange. vnd auf
fein havpt. vnd die chron die
im herodes auf#setzt. do in py(=)

latus tzve#fant. mit der#felben
chrõnet man noch alle Rõmifch
chvnic. vnd die dvrnein chron
[137r,01]die im pylatus avf#fatzt die hat
der chvnich von Franchreich. vnd
die#felbe chron was von hvtzein(=)
en dorn fo fcharf. daz fi fe mein(=)
em chint nicht mochten mit den
henden avf#gefetzen. fi mvesten
nemen einen fchaft. di drvhten
fi im||z mit auf fein havpt. daz
im daz pluet allez fein antlvtze
vnd fein achfel vber#goz. do nā
in pylatus alfo gechrõnten vnd
alfo plvettunden. vnd mit dem
feideim gewant. vnd fvert in
fver die ivden. vnd fprach tzv
in. Secht wo Iefus ewer chv(=)
nich. vnd di fi erfahen in. do
genvegt fev nicht alle der
finech die fv im pvten. vnd
aller der marter di er erliten
het. Si bedachten nicht. daz
er fo manich tzaichen het ge(=)
[137v,01]tan. vor iern ovgen. daz er di plint(=)
ten macht gefehen. die toren gehõ(=)
ren. die ftvmmen reden. die avzfetz(=)
igen rain. vnd die wazzerfvchigen
gefunt. die lamen hiez er gen. vnd
die toten lentig macht. vnd fvnf(=)
tavfent menfch fpeifet. mit fvnf
prõten. vnd ander manich grozz
tzaichen vor in tet. der heten fi
aller ver#gezzen. vnd fchrieren
auf in. als avf einen mord^r vnd
fprachen. Chrevtz in. chrevtz in.

do sprach pylatus. Nemt in vnd
chrevtzt in. nach ewr gewanhait
do sprachen di ivden. Man schol
in tötten nach vnferm recht.
wan er gesprochen hat. daz er
gotes fvn fei. vnd do pylat⁹ daz
erhort. do erschrichet er. vnd
giench in daz richt#havs. vnd
nam mein chint cnd spr^ach tzv
[138r,01]im. von wanne pist||v. do wolt
er im nicht antwürten. Do spr^ach
pylatus. waift||v nicht gaz ich ge(=)
walt han dich tze lazzen oder tze
behalten. vnd wild dv doch mier
nicht antwürten. do spr^ach mein
chint. dv hietzt dehain gewalt
vber mich. er wer dier danne
gegeben. vnd do#van hat er vil
mer fvn den. der mich dier hat
gegeben denn dv. vmb die rede
hiet in pylatus gern lazzen.
do schriren di ivden alle mit
grozzem tzorn. vnd sprachen tzv
im. Wild dv den lan. fo pist||v
des chaifers vreunt nicht. vnd
do pylatus hort. daz fi im dro(=)
ten avf feinen herren den chai(=)
fer. do nam er wazzer vnd wüfch
fein hende vnd sprach tzv in al(=)
len. Ich pin vnfchvldig an des
[138v,01]rechten menschen plvet. do schriren
die ivden alle vnd sprachen. Sein
pluet chôm vber vns vnd vb⁴ vn(=)
fer chinder. vnd schriren ie mer
vnd ie mer. vntz daz er in hiez
chrevtzen. do gefigten die ivden

pylato an. do er sprach. ier wille
scholt ergan. du vnd liez barra(=)
ban durch osterleich recht. vnde
gab vrtail vber mein chint vnd
sprach. Ich ertail vber ihm naza(=)
renu. daz man in totte des lester(=)
leichen todes an dem chreutz. Sand
anhelm sprach. awe lieue frowe
wie daz was deinem hertzen. do
du diese vrtail horstest. vnfrowe
sprach. do giengh Symeonis
wert zu dem vierden mal in
mein hertze vnd in mein fele
vil mer dann ob die vrtail wer
vber mich gegeben. Sand an(=)
[139r,01]helm sprach. Nu wie ergiench iz im
dar#nach. vnfrowe sprach. Si na(=)
men do mein liebez chint. vnd firten
in avz. do si in chreutz wolden. vnd
legten im daz chreutz avf seinen ruk(=)
ke. Iz was avch daz chreutz funftze(=)
hen schwech lanch. do het er alle di
nacht vnd alle den tag so grozze not
vnd arbeit erliten. daz er daz chreutz
nicht mocht getragen. do betwun(=)
gen si einen andern der hiez Symon
der chom in avf dem wege. daz er
meinem lieuen chint daz chreutz
mest nach#tragen. vnd taten si
daz von de hainer barmhertze
nu daz si sahen daz er daz chreutz
vor chranhait nicht mocht getra(=)
gen. Sand anhelm sprach. Giengh
im icht vil levt nach vnfrowe
sprach. Ia im lief nach arm vnde
reich. weip vnd man. vnde chint

[139v,01]vnd vil frowen die in pitterleich
chlagten. vnd fere chlagten. vnde
wainten. Im giench avch vil lev
nach die avf in fchrieren als avf
einen diep. den man tzv dem galgē
fvert. Iz lieffen avch die chint dar
vnd wûrfen hor avf fein antltz
vnd avf fein havpt. vnd an fein
wange. do chert fich mein chint
gegen den frowen die do mit wa(=)
ren gegangen mit grozzem lait
vnd mit grozzem wainen. vnde
fprach tzv in. Ier tōchter von Ie(=)
rufalem waint nicht vb⁷ mich
waint vber evreu chint. die daz
haer vnd die ftain avf mich w⁷(=)
fent. vnd nicht wizzen ob fi rech^f
oder vnrecht tvent. wan iz chō(=)
ment noch die tag. daz fi wer(=)
dent fprechen. Selich find die
weip die nie chint getruegen.

[140r,01]Selich find die pevch die nie fwān(=)
ger wuerden. Si werdent auch tzv
den perigen fprechen. vallet avf
vns. vnd tzv den pvcheln. bedecht
vns. wan tvnt daz grvnev
tzweil. waz tvent danne di dvr(=)
ren. als er gefprochen hiet. do
mier dife chinder fō|ttan lafter
erbietet in ier chinthait. waz
tvent fi danne fō fi an ier alter
chōment. Man fvert avch tzwen
fchacher mit im avz. datz teten
fi im tzv einem fvndern lafter.
vnd do man in avz#fvert mit
den fchachern da||tz dem tor. do

wart daz gedrange fo groz v̄o
den levten. die im nach#lieffen
vnd fein ſpotten. daz ich tzv im
nicht ch̄omen macht. do wart
ich vnd Maria magdalena tze
rat. daz wier levffen an ein an(=)
[140v,01]der gazzen daz wier in ver#levf<fen>
vnd daz wier in gefehen. e. daz er
da||tz dem tor avz#chem. alfo levff wir
fver in der andern gazzen. daz wier
in ver#levffen. vntz daz wier <chomē>
tzv einem prvnne. do bechom vns
mein hertzen#liewz chint. vnd was
fo iemerchleich gefalt an feinem
antlvte. wer er mein chint nicht
gewefen. ich hiet in chavm erchāt
Sie heten im fein hende tzefamme(=)
gebvnten. vnd fverten in gar vn(=)
getzogenleich vnd do er mich er(=)
fach an dem wege ſten vor im.
do naig er fein havpt gegen mir
vnd ſprach. Ich danch dier aller
der lieb vnd der tzvcht allez gv̄tz
des dv mier haft getan. vnd daz
dv den tempel meines leibs als
gar tzertleich mit deiner armvt
ertzogen haft. vnd mit deiner
[141r,01]arebait. vnd mich in meinen nō(=)
ten nie ver#liezt. dv hvlf̄ft mier
gern ob dv mōhft. vnd lauffest
mier noch nach. wie verfmecht
ich doch pin aller welt. vnd do fi
in prachten an die ſtat die do
haizzet Caluarie. do martern fi
in. vnd die tzwen ſchaher. vnd
hiengen ainen tzv der rechten

feitten. vnd den andern tzv der
tencken hant. vnd mein chint
enmitten. Sand anhelm spr^ach
Sag mier liewev frowe. wie
teten fi im do. vnser frow spr^ach
anhelm^o her gar chleglichev
mer. daz noch dehain enwange(=)
lifte schreibt. do fi chomen an
die ftat caluarie. do tzvgen fi
im ab allez fein gewant. daz
ein vadem an feinem leib nicht
belaip. do erstarb mein hertze
[141v,01]do fi im daz lafter erbvten. vnde
giench dar vnerfchrochleich. vnde
an fchant. vnd tzvcht ein tvech ab
meinem havpt vnd pant daz vmb
feinen leip. Nv was der flech fo vn(=)
rain. do fi in heten gefvert calua(=)
rie. vnd was fo gar verfmecht. daz
man böferr ftat nicht mocht haben
fvnden. Man fach do hvnt vnd fche(=)
mel wid hiengen avch do. do di dieb
vnd die morder an erhangen war(=)
den. vnd was der gefmach fo vn(=)
rain. vnd an dierr vnrainen ftat
leiten fi daz chrevtz avf die erden.
vnd leten mein chint rvcklinge
dar#avf. vnd nagelten im die ain
hant an daz chrevtz. Do was der
nagel fo groz. daz er die wunden
fo fere ervolt daz ein plvetz#trophe
dar#avz nicht chom. do namen fi
do ein fail. vnd pvnten die and^rn
[142r,01]hant als vaft. daz die gelider avz(=)
ein#ander giengen. der nagel was
avch als groz. den fi im dvrch die

andern hant flvegen. daz er die
wunten als fere erfvl. daz ein
plvetz#trophe dar#avz nicht gie.
dar#nach namen fi ftarchev fail
vnd pvnten im dar#an die fvezz
vnd tzvgen vnd denten in als fer
daz die fchrift erfvl wuerd.
di an dem falter ftet. dinumera(=)
uerūt om̄ia offa mea. Sie heten
in als fere gefpannen. daz dehein
gelid was an feinem leibe. man
hiet iz fvnderleich getzelt. dvrch
fein havt. vnd do fi in alfo ge(=)
fpantten. do fatzten fi im einen
fvez auf den andern. vnd flvegē
im do einen nagel dvrch paide
fvezze. der was avch als groz
daz im daz plvet avch nicht her(=)
[142v,01]avz macht gefliezzen. von d^r grōzz
des nagels. vnd do ich die grozzen
hamer#fleg hōrt. do was die weif(=)
fagyng ervolt an mier. di her da(=)
uid fchreibt an dem falter. audi fi(=)
lia ꝛ vide. Recht als er tzv mier
fprech. Hōr tochter die pitt'leich(=)
en hamer#fleg. vnd fiech di ma(=)
nigvaltig not. die ich leide an
meinen henden. vnd an meinē
fvezzen. vnd an allen meinem
leibe. vnd do ich die grozzen ha(=)
mer#fleg erhört. do giench Sy(=)
meonis fwert tzv dem fvnften
male dvrch mein hertze. do
namen fi daz chrevtz vnd hve(=)
ben iz avf. daz ich mit meinen
handen meines chindes fvezze

nicht gerveren macht. fo hoch
was daz chrevtz. awe des iem^z(=)
chleichen ampliches den ich do
[143r,01]fach. wie vngeleich er dem was
do ich fein genas. vnd do ich fein
chindleich antlvzt an#fach. vnd do
er avf#gerichtet ward an dem
chrvtz. vnd do er begvnde han(=)
gen von der fwer feines heili(=)
gen leibes. do braften im die
wunten avf an den fvezzē vnd
an den henden. vnd ran daz
plvet fo fere vom im. als iz vō
vier prvnnen auz#gieng. Nv
het ich ein gewant an. als do
gewanhait was in dem lande
daz frowen trvegen. daz gewāt
was alfo gemacht. daz iz daz
havpt vnd den leib allen be(=)
dacht. vnd was weis als der
fne. vnd daz#felbe gewant
was allez rot von feinē plvt
daz avf mich ran. Sand anf(=)
helm sprach. awe raine frowe
[143v,01]wie ergiench iz im do. vnfer frowe
sprach. do fi in gechrevtzten do
tailten fi fein gewant. vnder#ein(=)
ander. do het mein chint ainen
roch. den wolten fi nicht prechen
wand er gantz ift. do sprach
fi do. wir schvllen ein loz w^zfen
vnder vns welchem er alfo gantz(=)
er werd. daz gefchach allez dar(=)
vmb. daz die fchrift erfvelt wuert
als an dem falter der weiffag spr^{ch}
diuiferūt fibi veftimta mea daz

fpricht. Mein gewant habent si
in getailt. vnd habent ein loz noch
gewarfen avf mein chlaider. vnd
dar#nach da pylatus levt fchriben
avf daz chrevtz. mit dreyer#lay
sprach. chryeich#fn. Ebrey#fchen.
vnd latein. Iefus nazarenus rex
iudeo#. daz mvet di ivden vnd
sprach. war#vmb haizzest dv
[144r,01]in der chvnich. dv fcholt haben
gefchriben. daz er hiet gefprochen
Er wer der r iuden chvnich. do
sprach pylatus. daz ich gefchribē
han. daz han ich gefchriben. do
giengen si alle fver daz chrevtze
vnd würlen ier havpt avf gegen
im. gar fpöttleichen vnd sprach
Secht an daz ift der. der den tem(=
pel wolt haben tze#prochen. vnd
in in drin tagen wolt wid#mach(=
en. pift||v gotes fvn. g fo giench her(=
ab. ab dem chrevtz. vnd behalt
dich vnd vns. do sprach die
fvrften der ivden. vnd di fchreib#.
vnd die alten gar fpöttleich. an(=
dern levten hat er geholfen. vnd
chan im felben nicht gehelfen.
pift||v der chvnich von ifrahel. fo
ginch ab dem chrevtz. fo welle
wier dier gelavben. Er trawet
[144v,01]got. der helf avch im ob er welle.
wan er sprach. daz er gotes fvn wer.
Sand anhelm sprach. Liewe frowe
da man fein also fpottet. sprach er
ich da#wider. vnfer frowe sprach.
Er pat vmb fev vnd sprach. Vat#

ver#gib in. wan fev nicht wizen
waz fi tven. do ftvend avch gemain
volch do. vnd fpottentn fein. vnde
piten wie fein ende wuerd. do mocht^f
er wol gefprochen haben tzv mier.
Tochter her di grozzen flvech#wart
vnd fiech di chlegleich nat. Ich waiz
wol daz. daz dv mich enphieng vō
dem heiligen geift. vnd mich trvegd
vnd geber magd wafen. vnd mve(=)
ter. vnd daz dv tzertleichen speifeft
mich mit deiner tzertleichen milich
vnd daz dv mich liepleichen vnd
minnechleichen ertzvge. vnd daz dv
mier alle tzeit mit trewen nach(=)
[145r,01]giengd. do#von fchvllen fi niht an
mich gelavben. daz ich gotes fvn fei.
Frowe tzartev mveter. fo gelavbe
aber dv. vnd hab parmvnge vber
mich. do giench Symeonis fwert
tzv dem fechften mal dvrch mein
hertze. vnd dvrch mein fele. vnd
dannoch mocht er in allen feinen
nōten fpottens von den fchachern
nicht hin#chomen. der ain der tzv
der tencken hant hiench. d^r sprach
in fpōtt. Seift dv chrift fo behalt
dich vnd vns. do antwürt im d^r
ander fchacher fein gefelle. Fvrcht
dv nicht got. vnd dv doch in der
felben ver#dampnvsse pift. wier
aver enphahen pilleich vnd von
fchvlden. daz man vns tvet. aber
difer hat nie dehain vbel getan.
vnd do er feinen gefellen alfo ftraf(=)
fet. do sprach er tzv meinē chint.

[145v,01]Herre erbarm dich vber mich. fo dv
chômft in dein reich. do sprach mein
chint tzv im. Ich sag dier werleich.
dv fcholt hevt fein pei mier in dem pa(=)
radeis. Sand anhelm sprach. Liewe
frowe waz tet dv do. vnfer frowe
sprach. do ftvent ich pei dem chrevtz
vnd Ioh̄s meiner fwefter fvn. vnd
Maria magdalena pei mier. vnd wa(=)
ren alle hertzen#laides vol. Ich fach
in hangen vnd leiden not. vnd mach^f
im tze chainen ftaten chōmen. vnd do
er mich in grozzem hertzen#laid fach
vor im ften vnd Iohannē meiner
fwefter fvn. an den er vil tzart^z vnd
fvnderleicher lieb het gelait. wan
er in lieb het fver die andern alle
do wolt er mich nicht vngetrōft
lazzen. vnd sprach tzv mier. Siech
wa dein fvn. dar#nach sprach er
tzv Iohanni. Siech wa dein mvēt^z.
[146r,01]do was iz an der lesten ftvnd des
tages. vnd wart ein grozze vinf^z.
vber alz erdreich. vntz avf di non.
vnd do none wart. do fchrai mein
chint vnd sprach. Hely. hely le(=)
ma<z>abatani. daz spricht. Mein
got. mein got. war#vmbe haft||v
mich verlazzen. do sprach iegleich^z
die do waren. Er rveffet helyam.
wier fchvllen fehen. ob er im chōm
vnd erlōfe. do weft mein chint
wol. daz die weiffāgung an im
ervolt was vnd sprach. Mich dvrft
do nam ainer einen batfwam.
vnd fvlt in vollen ezzeich. vnd gal(=)

le. vnd pat iz meinē chinde. tze
trinchen. daz er defter e fvrbe
vnd do er den ezzeich v^rfvecht. do
sprach er. Confumatū ē daz sprich^t
Iz ift allez vol#endet. vnde sprach
vater ich enphilich dier meinen
[146v,01]gaift. in dein hende. vnd do er daz
gesprach. do naigt er fein haupt.
vnd fchied fein götleich fele von feinē
heiligen leibe. vnd do erlafch di fvn(=
ne. vnd tzart sich der vmbhanch en(=
mitten entzwei. in dem tempel.
vnd erfchvtt sich das erdreich. vnd
tzerchluben sich die ftaine. vnd vol(=
licheich der ftain do daz chrevtz
inne ftvent geftecht. der chlab
sich aller von#ein#ander. vnd teten
sich die greber auf. vnd erftvenden
vil heiliger leut. vnd chomē nach
ier v^rftend hin||tz Ierufalem in di
ftat. vnd liezzen sich da schawen
do ftvend ein herre bei dē chrevtz
der was ein Centvrio. vnd scholt
meines chindes hvetten. vnd an(=
der ritter die pylatus dar gefant
het. vnd do fi die grozzen tzaichē
fähen. do erfchrichten sev vil fer.
[147r,01]der Centvrio aber lopt mein
chint vnd sprach. werleich dierr
was gotes fvn. Sech wie di ele(=
ment sich erbarment vber ieren
schepher. vnd wolten sich d^r iuden
dehainer nie vber in erbarmen.
do ftvenden avch vil frowen die
meinem chint nach waren ge(=
gangen von Galylea die fähen

iz allez. sand anhelm sprach.
Sag mir reinev frowe vnde
magt. het dein hertzen#laid ein
ent. vnser frowe sprach. Nain iz
anhelm. hör ein chleglich mer.
waz dannoch mer gefchach.
mortz an meinem chinde. an dē
tag do fi in fo lesterleich heten
getöttet der hiez parasceue. daz
spricht der stille vreitag. do was
an dem andern tage sabbatū.
der do haizzet der hochzeitleich
[147v,01]tage den di ivden begiengen avch
dar#vmb daz die leichnamen icht
hiengen an dem <ofter>leichen tage
do giengen die ivden tzv pylatus <vn̄>
paten in daz er meinem chint vn<d>
den andern fchachern mit <...>
ier gepain tzefflahen hiezz daz fi
defter e ftverben. daz fi <...>ch icht
hiengen an dem <oftertag> do <hiezz>
pylatus fein ritter. daz fi meinem
chint vnd den andern fchachern
ier pain tzepr<a>chen <vnd> do fi d<ē>
fchachern paiden ier pain vnd
allen iern leib tze<fverten> vnd
tze
achen. vntz fi fâhen daz fi
tot waren do wolten fi a<u>ch mei(=
nem chint alfam <haben> <getan>.
do was er von im selben <tode>.
vnd do fi fâhen daz er tot w<...>
do wolten fi nicht fein gepain
tzepr<e>chen. daz die fchrift erf<...>
[148r,01]wuerd. die do von dem ofter#lamp
spricht. <...> <...> <...> ex eo.
daz spricht d<er> ofter#lamp gepain

fchol gantz beliben. do giench <...>
ritter hin vnd ftach meinem chint
einen grozzen fpiez dvrch fein <her>(=
tze. vnd von der w<u>n<d>en giengē
tzwen grozz brvnne einer von
plvet der ander von wazzer
vnd do ich fach daz fev nicht ge(=
nvegt aller der <mar>ter. die mein
chint <alfo> <herti>chleich erliten het
fi wolten sich a<v>ch an feinē toten
leip rechen do <...> meinē her(=
tzen <als> we recht <als> mier der
fpiez dvrch mein hertze wer ge(=
ftochen. do hiet ich gerne ge(=
w<a>int. do wa<s> mein hertze
vnd aller mein leip vnd di <na>(=
<tvr> <als> dverre an mier w<a>r(=
den vor wainen vnd vor groz(=
[148v,01]zem iamer.vnd von der arebait die
ich erliten het. baidev nacht vnd alle
den tag. daz ich einen aigen tzaher
nicht macht ertzevgen. vnd was
mein ftimme als gar an mier er(=
ftariben. daz ich ein wort nicht
macht gefprechen. do was die weil(=
fagvng an mier ervolt. die fymeō
tzv mier fpfach. Et tuam ipfius
āiam ptraufibit gladius. daz
fppricht. daz die marter meines
chindes dvrch mein hertze vnde
dvrch mein fele scholt gen. vnd
fneiden als ein fwert. wan daz
fwert feiner marter. hat da tzv
dem#felben mal dvrch#ftochen
mein hertze vnd mein fele. vnd
allen meinen leip. vnd wan ich

mit dem mvnde mein chinde
nicht gechlagen macht. do chlag̃
ich mit dem hertzen. awe tzartz
[149r,01]min chint. awe fvezz mein minne(=)
chleichez chint. awe liewe vor allem
liewe. wo ift nv der troft. den ich
alle mein tag an dier gehabt han
Möcht mier nieman gehelfen. daz
ich fver dich ftvribe. awe liebez
mein chint. vnd do fein götleich
fele von feinem leip fchiet. do fuer
fein fel hin tzv der helle. vnd ward
do grozzer frevde. do er do nam
adam. vnd alle die feinen willen
heten getan. vnd befloz die helle
daz nimmer#mer dehain fele dar
chömen mag. wan mit ier ai(=)
gen willen. Er befloz fei mit
dreier#hant floz. mit recht^u rewe
vnd mit lautterr peicht. vnd mit
ge#werer pvezze. vnd wer die
floz tzebricht. der mvez immer
do b<l>eiben. vnd nimmer danne
chomen. Sand anhelm fprach
[149v,01]Sag mir rainev frowe wie ergiench
iz dar#nach. vnfer frowe fprach. Ein
gvet man der hiez Iofeph. vnd was
von einer ftat die hiez arimathia.
der was haimleich meines chindes
ivnger. wan er voricht die ivden.
der gie tzv pylato vnd pat in. daz
er im geb meines chindes leichnā
daz er in begrveb- vnd fprach tzv
pylato. Ist daz dv daz nicht palde
erlavbefst daz man in begrab. fo
verdirbet fein mveter dev ift die

rainift frowe vnd die feligift. di
ie geborn wart. Die hat als groz(=)
ze chlag vnd iamer an ier. daz fi
vns als fer erbarmet. vnd vns
als we#tvet. als ob fi vnfer aigēⁿ
mveter wer. do rveft pylatus
dem herren Centvrio. vnd fragt
in ob mein chint tot wer. vnd
fagt im die grozzen tzaichen. die
[150r,01]do gefchehen waren. do nam
pylatus grozz wunder. daz er
als fchier tot was. vnd hiez Io(=)
feph daz er mein chint ab dem
chrevtz nem. vnd in begrueb.
nach allem feinen willen. Nv
merch anhelm ein chlegleich
dinch. di ioseph mein chint
ab dem chrevtz loft. do ftvend
ich vnd wart auf. fo im fein
arme wuert ab#gepvnten. daz
ich in denn enphienge. alfo
enpfiench ainen arme nach
dem andern. vnd drvcht in an
mein hertze. vnd chvft in mit
grozzem hertzen#laide. vnd do
er ab dem chrevtz wart erloft.
do leten fi in avf die erden.
neben das chrevtz. do viel ich
palde nider. vnd nam fein haupt
in mein fchozze vnde fprach.
[150v,01]mit grozzem hertzen#laide. tzartz
mein chint waz troft fchol ich nv
haben. feind ich dich tod vor mier
fiech. do chom mein chint Ioh̄s
ewangelifta. vnd viel avf fein
prvft vnd avf fein hertze. vnde

fchrai ein iemerchleich ftimme
vnde sprach. awe awe avf dem
hertzen rvebt ich nechten. minne(=)
chleich vnd tzertleich ob dē tifche.
awe awe avf difem hertzen.
tranch ich nechten felich fvezzi(=)
chait. awe nv enphach ich vn(=)
felich pitterchait. do chom pe(=)
ter gelavffen vnd chlagt mit
grozzm iamer daz er fein het
ver#laugent. do chom Maria
magdalena. der chlag was vor
aller chlag. die viel fuer mein
chint mit grozzem iamer vnd
sprach. awe troft vor allem
[151r,01]troft. wer fchol mich vnfchuldi(=)
gen vor Symonē der mich fchvl(=)
dig gab. vnd mich denn dein tzar(=)
ter mvnd vnfchuldige macht.
von allen meinen fvnden. awe
wer fchol nu mein vorfpreche
fein gegen meiner fwefter. gegē
der dv mich verfprecht. do fi dier
von mier chlagt. awe die tzart(=)
en fvezze die mich nicht ftiezzē
do ich fev chvft. awe die rainen
fvezze die ich wuefch mit mein(=)
en tzehern. vnd dv mier des
wol gvndeft. awe die edeln fvezze
die mich nicht ver#fmechten.
do ich fev trvchent mit meinē
har. vnd ander manigvaltig
chlag het fi ob meinē chint.
do chom Iacob<e> mein⁴ fwefter
fvn. den man sprach. daz er
meines chindes prveder wer.

[151v,01]wan er was im geleich an allem
feinem leibe. der sprach mit grozz^z
chlag. awe hertzen#liewer herre.
wie ift dein wunnechleich antlvitz
im felben fo vngeleich worden. vnd
wie ift aller dein leip fo iem^zchleich
dvrch#martert. wan von d^z schait(=
eln vntz avf die verfen. ift nicht
gantz an allem deinem leibe. awe
hertzen#liewer herre vnd maifter.
geftern was dein minnechleiche
antlvitz dem meinē geleich wer
mg nv fprechen. daz ich dein
prveder fei. wan dv pift mir gar
vngeleich warden. do fwuer er
daz er nictes nicht wolt. e. en(=
beizzen. e. daz mein chint erfvtnt
von dem tode. daz gefchach. Er
was an ezzen vnd an trinchen.
vntz an den oftertag. Do erfchain
im mein chint fvnderlich. do er
[152r,01]an feinem gepet lag. vnd sprach
gvetleich tzv im. Iacob prveder
mein. ftant avf vnd iz. des men(=
fchen chint ift erfanden vō dem
tode. die andern chomen ge(=
lavffen mit grozzem gefchrai.
vnd chlagten alle mit manig(=
valtigen tzehern. vnd mit groz(=
zem iamer. daz fi von im ge(=
lavffen waren. vnd nicht mit
im in den tot giengen. vnd do
ich vnd di ivnger mt grozzē
laid pei im fazzen. do erfrevt
vns mein chint mit der erften
frevd nach feinem tot. Sein

leip der vor vns toter lage.
der wart als wunnechleich
vnd als schön. als ob er nie
flag oder wunten hiet wn(=)
pfangen. wan die fvnf wun(=)
ten di belibe also gantze.
[152v,01]vnd offen. die er an dem ivngestem
tag tzaigen wil aller der welt.
do#von gewunne wier gar grozz
vreude. vnd do man in wolt be(=)
graben. do het ich als grozzen ia(=)
mer do ich mich von im schaidē
scholt. also daz ich in vmbeviench
mit meinen mveterleichen armē
vnd mit meinen chresten. vnd
hiet in gerne geheft. do nā mich
mein chint Iohannes vnd wolt
mich danne#fveren. do sprach
ich tzv im. awe Ioh̄s mein chint
la mier mein totez chint daz ich
lentig nicht haben macht.
oder hilf mier daz ich mit im be(=)
grawen wert. do sprach ioh̄s
mein chint tzv mier. awe lieue
frowe vnd mveter. nv waift||v
wol wan menschleich chvne
mocht an deines chindes tode
[153r,01]nimmer erlöst werden. vnd do er
ditze geredet. do namen fi mier
mein chint wider meinen willen
vnd trvegen in tzv dem grab. vnd
do fi in dar#in geleten. do viel auf
daz grab. vnd het anders nicht
gegert. wan daz ich mit im be(=)
graben wer. do nam mein chint
Iohannes mich. vnd wolt mich

danne#fveren. do fprach ich mit
grozzem laide. awe iohs liewes
mein chint. la mich geniezzen d^r
grozzen trewe. die dier mein
chint ertzaiget in feiner ivngift(=)
en not. do er mich dier gab tzv
einer mueter vnd dich mier tzv
einem chint. vnd la mier nicht
gefchehen den grozzen gewalt.
daz man mich fchaide von mei(=)
nem chint. wan ich wil gern
hie bei im meines endes peiten.
[153v,01]do wuerden alle die do waren. her(=)
tzenleichen wainen. do nam mich min
chint Iohannes wider meinen willen
vnd fvert mich in die ftat. in mein^r
fwefter havs feiner mveter. vnd do
mich die erfahen. daz ich als iem^r(=)
chleich cham. vnd fahen daz mein
gewant von plvet alz rat was.
daz von mein chintz wuntē a<u>f
mich floz. do ich vnder dē chrevtz
ftvend. do heten fi grozz barmvng
vber mich. vnd fprachen. awe
gewalt ift an dierr ftat hevt ge(=)
fchehen. an dierr wunnechleichē
frowen. vnd an ierem rainē chin.
alfo belaub ich in meiner fwefter
havs. vnd von grozzem hertzen(=)
laide het ich dehain chraft. So ich
faz. fo wolt mier mein hertze
fein tzebroften. fo ich avf#ftvent
fo viel ich wider nider. fo ich
[154r,01]lag. fo was mein hertze pei mein(=)
em chint. vnd bei dem grab. vnd
wer gern auf#gestanden. fo mach

ich nicht vor rechter chanchait.
vnd von hertzen#laide. Ich waint
vnd het grozzen iamer. baide tag
vnd nacht. Mich chvnt mein chint
Iohannes nicht getröften. noch
mein fwefter noch Maria magda(=
lena. die von der lieb meines
chintz bei mier was. Mich chvn(=
den alle meine frevnt. noch al(=
le die mich fahen nicht getröf(=
teb. do wuerden die wort an
mier ervlt. die Ieremias der
weiffag lange vor gesprochen
het. plorans ploravit in nocte
ꝛ lacrimae eius in maeillis eius.
daz fpricht. Si waint tag vnd
nacht. vnd die tzeher waren an
ier wangen. vnd chvnt fei niemen.
[154v,01]vnder allen ieren frevnden getröften.
awe anhelm hör ein grozz hertzen(=
laide. daz hveb fich aver an mir an.
do mein fwefter vnd Maria mag(=
dalena fich beraittent mit edeler
falben. vnd wolten gen tzv dem
grab. daz fi mein chint falbten.
vnd di fi von mier giengen. do
mveft ich vor rechter chanchait
in dem havs fein. daz tet mier
als we daz iz vngelavbeleich ift.
wan mier viel ein hertzen#laid.
avf daz ander. do ich mit dem
leibe nicht dar macht chömen.
doch was mein chanch3 hertze
alle die tzeit pei im. vnd gedacht
an fein tzartz antlutz. daz ich fo
diche het fröleich an#gefehen.

vnd an fein fvezzev wart. die
von feinem götlichem mvnde
waren dicke geflozen. vnd wie
[155r,01]er ver#raten wart. von feinem
frevnt. vnd waz er fleg vnd ftózz
vnd fpótz het enphangen. do er ge(=)
fvert wart in des pischolfs havs
vnd wie fein der fverft petrus
verlaugent het. vnd do er vor
gericht ftvent welich gefchrai
avf in was. vnd wie fein vor
herodes gefpottet wart. vnd wie
vngetzogenleich vnd wie lefter(=)
leich er mit den mordern avz#ge(=)
fuert wart. vnd wie im feine
chlaider ab#getzogen wuerden.
vnd an die grozzen hamer#fleg
do im die nagel geflagen wúr(=)
den. dvrch fein hende vnd dvrch
fein fvezze an daz chrevtz. vnd
wie er getrencht wart mî wein
der was gemifchet mit gallen
vnd do er mit grozzer ftimme
fchrai. Mich dverft nach menfch(=)
[155v,01]lichem hail. daz im do <ezzeich>
tze trinchen wart gegeben. vnd
daz fev nicht ge<...> <...> <...>
<...>gen <...> fi rechen fich an fei(=)
nem toten leip vnd ft<e>chen im
ain fper dvrch fein f<e>itten vnd
do ich di<tz> alles <bedacht> do <fchrai>
ich mit einer <iamerchleichen> ftim(=)
me. awe <minnechleicher> vnd
fuezzer Ief<u>s <got> vnd <menfche>
fchepfer vnd herre aller <...>
w<...> recht pitterleich dv von dem

menfchen <...> pift dvrch <des>
 willen dv die menfchait <...> <...>
 <...> <...> an dich nam<ft> <...>
 <...> den dehain himel noch daz
 erdreich noch daz <mer> noch <daz>
 abgr<v>nt nicht <...> <...>
 <...> leit beflozen vn<d>er einem
 ftain<e>. awe <der> <von> <dem> <alle> <...><(<=>
 <tvre> lebt <...> <von> <dem> <...>
 [156r,01]<...> <...> <...> <...> vnd
 <...> <...> <...> <...> <...> <...> <...>
 <...> <...> <...> <...> <...> <...>
 <...> <vnd> <...> <...> <...> <...>
 <...> <vnd> <...> <...> <...> <...> <...>
 <...> <...> <...> <...> <...>
 <...> <...> <...> <...> <...>
 <...> <vnd> <...> <...> <...> <...>
 <dar>#<vmb> <menfch> <...> <...> <...>
 <...> <...> <...> <...> <...>
 der macht feiner chinthait nicht
 <geniezen> do <er> lag an meiner
 brvft do fvecht in herodes daz
 er in erflach. awe wie vndanch(=
 leich in die ftat enphie. d^r <...>
 <...> willen er avf daz erdreich
 cham. vnd <gveteich> mit in <...>
 <...> vnd die toten <erchvcht> vnd
 die fi<c>hen gefvnt macht vnd
 alle tzeit gveten <werch> <...>
 vnd do ich in <...> <...> <...>
 [156v,01]was. vnd mein fwefter vnd Maria
 magdalena mein chint fvechten.
 vnd mich in dem havs heten laz(=
 zen. wan ich in nicht mocht gro<...>(=
 gen tzv dem grab. do chom mein
 chint mit alfo grozzer herfchaft

vnd mit fo vngeleicher frvet.
vnd was fein antlvitz vnd aller
fein leib als wunnechleich. vnd
als schön. vnd als dvrch#levchtig
als der weiffäg spricht. Speriot⁹
forma p filiis hōim. Er was d^r
schönift vor allen menschleichen
chinden. vnd do er mier als ge(=)
waltichichleich vnd mit als grozzer
herschaft vnd chlarhait erfchain
do sach er mich als minnechleichen
vnd als gvetleichen an. daz ich al(=)
les des hertenlaides ver#gaz. des
ich ie von im gewan. vnd trōft
mich als liepleich vnd als ztert(=)
[157r,01]leich vnd sprach tzv mier. wis ge(=)
gruezzt fvezze vnd minnechleiche
mueter vnd magt. gefegent ob
allen frowen. La dein grozz chlagē
wan dein chint ift erfunden von
dem tode. do#von la von deinem
grozzen iamer. vnd die vmbmez(=)
zigen pitterchait. tzehant do viel
ich nider. vnd chvft fein fvezz vnd
sprach tzv im. Ein ewiger fvn
des vater von himelreich vnde
mein tzart. ich lob dich. daz dv
menschleich chvnnē mit deinem
tode vnd mit deiner mart⁴ erlōft
hafts. vnd fei der vater von himel(=)
reich gefegent. der dich dor#vmb
avf daz erdreich tzv mier fant.
daz dv menschleich natvr an dich
von mier nemft. mit der dv all
welt lōft. Do ich die wart tzv
im gefprach. do schied er von

[157v,01]mier. dar#nach tzehant. do chomen
die ivnger vnd mein fwefter. vnd
Maria magdalena vnd fagten mier.
daz fi in hieten gefehen. do fagt ich
in avch. wie wunnechleichen ich
in fach. vnd wie herleichn. vnd do
ich in daz het gefagt. do heten fi
grozzev frevd von meiner gefichte.
wier frevten vns nicht alain fein
wan die fvnne die von meines
chintz tode erlefchet was. die gewā
nicht alain ieren liechten fchein.
fi wart fich halt frevnd. daz man
fei frôleich an den auf#ganch fach
fpilen. die erde die fich. e. von
meines chindes tode erfchvtt het
die frevt fich do mein chint avz
dem grab avf fei trat. vnd erfch(=)
vtt fich von rechter frevd. vnde
gab die toten wider. die fi von
adames tzeiten gevangen het.
[158r,01]vnde her. daz fi weren gewer tzevg
der herleichen v̄rftend meinez lie(=)
wen chint. do was mier allez
mein hertz#laid benommen. nichⁱ a(=)
lain daz ich mein chint wid^r#het
ich frevt mich avch. daz allez
menfchleich chvnne erlôft was.
dar#nach vber viertzich iar. do
ditze allez gefchach. do chomen
tzwen herren von Rome. d^r hiez
ainer Tytus. der ander hiez vef(=)
pefianus. die tzer#ftôrten Ierufa(=)
lem. vnd viengen do als viel iv(=)
den. daz man ie dreizzich ivden
gab vmb ainen phenning. als

fi alle mein chint heten gege(=
ben vmb dreizzich phenning.
vnd rachen do#mit mein chin(=
des tode. vnd fein mart⁴. ameN